

Vedtekter for samvirkeforetaket Huldal barnehage SA

Vedtekne på årsmøte 26.06.12

§ 1 Foretaket

Foretaket er eit samvirkeforetak med foretaksnamnet Huldal barnehage SA. Foretaket har forretningskontor i Herøy kommune. Foretaket er eit sjølvstendig rettssubjekt med avgrensa ansvar. Det enkelte medlem sitt ansvar er avgrensa til verdien av sin(e) innbetalte andel(ar).

§2 Formål

Formålet for foretaket er å eige og drive barnehage til det beste for medlemmane og borna deira. Barnehagen skal drivast etter dei offentlige føreskrifter og retningslinjer som til ei kvar tid er gjort gjeldande. Foretaket skal fremje medlemmane sine interesser gjennom deira deltaking i verksemda som kjøparar av barnehagetenester frå føretaket. Formålet er ikkje kapitalavkastning til medlemmane. Eventuelt årsoverskot skal godskrivast eigenkapitalen i foretaket. Driftsoverskot skal fullt og heilt nyttast til drifta av foretaket.

§3 Medlemskap /andelsinnskot

Foretaket er ope for foreldre/føresette som får tilbod om barnehageplass i barnehagen. Når foreldre/føresette har akseptert tilbod om barnehageplass, pliktar dei å bli medlem av foretaket. Medlemskapet kan etter avtale med daglig leiar overdragast mellom føresette som har felles born. Medlemmane skal ikkje betale medlemskontigent. Medlemmane heftar ikkje overfor kreditorane for føretaket sine forplikingar.

Føresette som etter søknad takkar ja til tilbod om plass til born i barnehagen, stadfestar dette ved innbetaling av andelskapital. Innbetalt andelskapital gir rettar og plikter som medlem. Ein andel er pålydande NOK 2000,- (to tusen). Det skal teiknast ein andel pr.barn/familie som får plass i barnehagen. Andelsinnskotet skal vere betalt før medlemmen kan nytte sin rett til bruk av barnehagen. Andelsinnskotet skal ikkje forrentast.

§4 Utmelding

Medlemmane seier opp barnehageplassen og melder seg ut av foretaket når ein ikkje lenger vil nytte seg av plass til born i barnehagen. Eit medlem pliktar ved skriftlig utmelding å melde seg ut av foretaket samstundes som barnehageplassen vert oppsagt, med mindre anna er avtalt med styret. Utmeldingsfristen er like lang som oppseiingstida for barnehageplassen, men høgst tre månader rekna frå den dagen dem skriftlige utmeldinga kom fram til foretaket. Har medlemmane fleire barnehageplassar, pliktar medlemmen ved skriftlig utmelding å melde seg ut av foretaket samatundes som siste barnehageplass vert oppsagt, med mindre anna er avtalt med styret. Utmeldingsfristen er like lang som oppseiingstida for barnehageplassen, men høgst tre månader rekna frå den dagen den skriftlige utmeldinga kom fram til foretaket. Ved utgått utmeldingsfrist har medlemmen krav på å få tilbakebetalt andelsinnskotet.

§5 Styret

Foretaket skal ha eit ansvarlig styre som skal bestå av 4-6 medlemmar inkludert daglig leiar og foreldrerepresentantar. Som hovudregel skal medlemmar til styret veljast for to år om gongen. Årsmøtet kan likevel ta omsyn til behovet for kontinuitet i styret når nye representantar vert valde, og difor høve til å velje ein eller fleire av styremedlemmane for eit år om gongen. Nye representantar tiltrer samstundes som nytt barnehageår startar. Styret konstituerer seg sjølv med leiar, styremedlemmar og sekretær. Leiar av styret har saman med ein av styremedlemmane signatur i laget.

Dei tilsette skal ha to representantar i styret, desse skal veljast av arbeidstakarorganisasjonane for to år om gongen. Det skal førast protokoll frå styret sine møter. Protokollen skal underteiknast av styreleiar og sekretær.

§6 Styreoppgåver

Styret fastset retningslinjer for drift av barnehagen, i samsvar med foretaket sine vedtekter og årsmøtet sine vedtak. Styret skal leie verksemda i samsvar med lov, vedtekter og årsmøtet sine vedtak. Styret kan ta alle avgjerdsler som ikkje i lova eller andre vedtekter er lagt til andre organ. Styret skal fastsetje planar og budsjett for versemda og orientere om budsjettet på årsmøtet. Styret har ansvaret for at rekneskapen saman med styret si årsmelding vert lagt fram på årsmøtet. Styret skal føre tilsyn med daglig leiar og verksemda i foretaket for øvrig. Styret har arbeidsgjevaransvaret i barnehagen. Styret skal utarbeide ein styreinstruks.

§7 Daglig leiar

Barnehagen skal ha ein daglig leiar, tilsett av styret. Daglig leiar har ansvaret for den daglige drifta av barnehagen, mellom anna personalansvar. Daglig leiar skal stå for den daglige administrative, og pedagogiske leiinga i foretaket og skal følgje dei retningslinjer og pålegg som styret har gitt.

Daglig leiar kan elles avgjerde ei sak etter fullmakt frå styret. I kvart enkelt tilfelle eller når det er til vesentlig ulempe for foretaket å vente på styrevedtak. Styret skal ha melding om avgjerdsla så snart som mulig. Daglig leiar skal mins kvar fjerde måned, i møte eller skriftlig, gje styret melding om verksemda i foretaket, tilstand for foretaket og resultatutviklinga. Styret og det enkelte styremedlem kan til ei kvar tid krevje at daglig leiar gjer nærare greie for bestemte saker.

§8 Årsmøte

Årsmøtet er foretaket sitt øvste organ. Ordinært årsmøte skal haldast innan utgangen av april måned. Skriftlig innkalling, med minst 14 dagars varsel skal gå til alle som er registrerte medlemmar. Sakliste skal vere vedlagt innkallinga. Styret skal kalle inn til ekstraordinært årsmøte når det vert vurdert som nødvendig, eller når minst ein firedel av medlemmane krev det.

På det ordinære årsmøtet, som vert leia av styret sin leiar, skal mellom anna fylgjande saker handsamast:

- a) Godkjenning av driftsrekneskap og årsmelding.
- b) Val av styrerepresentantar
- c) Val av revisor (når denne er på val)
- d) Eventuelle vedtektsendringar

Det skal først protokoll for årsmøtet. Protokollen skal underteiknast av møteleiar og ein person valt av årsmøtet, og distribuerast til alle medlemmane. Eit medlem gir rett til ei stemme. Eit medlem kan med skriftlig og datert fullmakt, røyste for fleire medlemmar på årsmøtet. Men ein kan ikkje røyste for meir enn eit medlem i tillegg.

§9 Vedteksendring

Vedtak om vedteksendring krev 2/3 fleirtal av dei avgitte stemmene med mindre samvirkelova stiller strengare krav.

§10 Oppløysing og avvikling

Oppløysing av foretaket skal avgjerdast av årsmøtet med same fleirtal som gjeld for vedtektsendingar (2/3). Foretaket sine medlemmar har rett til å få utbetalt sine andelsinnskot dersom det er midlar i foretaket etter at det har dekkja sine forpliktingar. Gjenverande midlar utover dette skal gå til samvirkeføremål eller allmennyttige formål for barn og unge.

§11 Forholdet til lov om samvirkeforetak (samvirkelova)

Dersom ikkje anna følgjer av vedtektene, gjeld lov om samvirkeforetak (samvirkelova) av 29.06.2007 nr.81, sist endra ved lov 24. juni 2011 nr.33.